

**Қазақстан Республикасы Үкіметінің 2004 жылғы 2 қыркүйектегі N 926 және 2004 жылғы 26 қарашадағы N 1237 қаулыларына өзгерістер енгізу туралы**

*Күшін жойған*

Қазақстан Республикасы Үкіметінің 2005 жылғы 1 тамыздағы N 801 Қаулысы. Күші жойылды - Қазақстан Республикасы Үкіметінің 2015 жылғы 28 қыркүйектегі № 797 қаулысымен

**Ескерту. Күші жойылды - ҚР Үкіметінің 28.09.2015 № 797 қаулысымен ( алғашқы ресми жарияланған күнінен бастап қолданысқа енгізіледі).**

"Техникалық реттеу туралы" Қазақстан Республикасының 2004 жылғы 9 қарашадағы Заңына сәйкес Қазақстан Республикасының Үкіметі **ҚАУЛЫ ЕТЕДІ** :

1. Қазақстан Республикасы Үкіметінің кейбір шешімдеріне мынадай өзгерістер енгізілсін:

1) Қазақстан Республикасының жіктеуіштер (анықтамалықтар) депозитарийі туралы ережені бекіту туралы" Қазақстан Республикасы Үкіметінің 2004 жылғы 2 қыркүйектегі N 926 қаулысында (Қазақстан Республикасының ПҮКЖ-ы, 2004 ж., N 33, 444-құжат):

тақырып мынадай редакцияда жазылсын:

"Техникалық-экономикалық ақпарат жіктеуіштерінің депозитарийін құру және жүргізу ережесін бекіту туралы";

кіріспедегі "жіктеуіштерінің (анықтамалықтарының) бірыңғай қорын құру және көкейкесті жағдайда ұстау" деген сөздер "жіктеуіштерінің бірыңғай қорын жүргізу" деген сөздермен ауыстырылсын;

1-тармақ мынадай редакцияда жазылсын:

"1. Қоса беріліп отырған Техникалық-экономикалық ақпарат жіктеуіштерінің депозитарийін құру және жүргізу ережесі бекітілсін.";

2-тармақтағы "жіктеуіштер (анықтамалықтар) депозитарийін (бұдан әрі - Депозитарий) құру" деген сөздер "техникалық-экономикалық ақпарат жіктеуіштерінің депозитарийін (бұдан әрі - Депозитарий) құру және жүргізу" деген сөздермен ауыстырылсын;

3-тармақта "Стандарттау, метрология және сертификаттау жөніндегі комитеті" деген сөздер "Техникалық реттеу және метрология комитеті" деген сөздермен ауыстырылсын;

көрсетілген қаулымен бекітілген Қазақстан Республикасының жіктеуіштер (анықтамалықтар) депозитарийі туралы ереже осы қаулыға қосымшаға сәйкес редакцияда жазылсын;

2) күші жойылды - ҚР Үкіметінің 19.09.2014 № 995 қаулысымен.  
Ескерту. 1-тармаққа өзгеріс енгізілді - ҚР Үкіметінің 19.09.2014 № 995 қаулысымен.

2. Осы қаулы қол қойылған күнінен бастап қолданысқа енгізіледі.

Қазақстан Республикасының

Премьер-Министрі

Қазақстан Республикасы

Үкіметінің

2005 жылғы 1 тамыздағы

№ 801 қаулысына қосымша

Қазақстан Республикасы

Үкіметінің

2004 жылғы 2 қыркүйектегі

№ 926 қаулысымен

бекітілген

## **Техникалық-экономикалық ақпарат жіктеуіштерінің депозитарийін құру және жүргізу ережесі**

Осы Техникалық-экономикалық ақпарат жіктеуіштерінің депозитарийін құру және жүргізу ережесі (бұдан әрі - Ереже) Қазақстан Республикасының техникалық-экономикалық ақпаратының мемлекеттік жіктеуіштері депозитарийінің (бұдан әрі - Депозитарий) қызметін ұйымдастырудың құқықтық негіздерін және оны жүргізу тәртібін белгілейді, Қазақстан Республикасында техникалық-экономикалық ақпаратты жіктеу мен кодтау жүйесін дамытуға мүдделі Депозитарий субъектілері арасындағы өзара іс-қимыл тетігін айқындайды.

### **1. Негізгі ұғымдар**

1. Осы Ережеде мынадай ұғымдар пайдаланылады:

1) Депозитарий - техникалық-экономикалық ақпарат жіктеуіштерінің жиынтығын білдіретін, ведомствоаралық сипаты бар, олардың қалыптасуын, есепке алынуын, сақталуын, көкейкесті етілген (бұдан әрі - көкейкесті ету) жағдайда ұсталуын қамтамасыз ететін, Депозитарийді пайдаланушылар мүддесіне ақпараттық және нормативтік қамтамасыз ететін арнайы қор;

2) депозитарлық қызмет - техникалық-экономикалық ақпараттың мемлекеттік

жіктеуіштерін әзірлеу және қолдану саласында қалыптастыру, есепке алу, сақтау, көкейкесті ету, ақпараттық және нормативтік қамтамасыз ету жөніндегі Депозитарий субъектілерінің қызметі;

3) Депозитарийдің жеткізушілері - техникалық-экономикалық ақпараттың мемлекеттік жіктеуіштерін әзірлеуге, бекітуге және жүргізуге жауапты мемлекеттік органдар;

4) Депозитарийдің пайдаланушылары - депозитарийдегі ақпаратты және жіктеуіштерді пайдалануға мүдделі жеке және заңды тұлғалар;

5) уәкілетті орган - техникалық реттеу және метрология саласындағы уәкілетті орган.

## **2. Жалпы ережелер**

2. Техникалық-экономикалық ақпараттың мемлекеттік жіктеуіштері депозитарийі Техникалық реттеу саласындағы нормативтік құқықтық кесімдер мен стандарттардың мемлекеттік қоры негізінде құрылады және оның құрамдас бөлігі болып табылады.

3. Өзінің жұмысында Депозитарий осы Ережені, техникалық реттеу саласындағы нормативтік құқықтық кесімдер мен стандарттардың мемлекеттік қорының жұмысын белгілейтін нормативтік құжаттарды және Қазақстан Республикасының басқа да нормативтік құқықтық кесімдерін басшылыққа алады.

4. Депозитарий қызметі мүдделі тұлғалар үшін Қазақстан Республикасының мемлекеттік құпияларын құрамайтын бөлігінде қолжетімді, ашық және айқын болып табылады.

5. Қазақстан Республикасының экономикасы салаларында есепке алуға жататын статистикалық есептілік жүйесінде, сондай-ақ мемлекеттік органдардың түрлі ақпараттық жүйелерінде пайдаланылатын техникалық-экономикалық ақпараттың мемлекеттік жіктеуіштері депозитарлық қызмет объектілері болып табылады.

6. Уәкілетті орган, Депозитарийдің жеткізушілері мен пайдаланушылары депозитарийдің субъектілері болып табылады.

## **3. Депозитарий жүргізу тәртібі**

7. Депозитарийді жүргізуді уәкілетті орган жүзеге асырады.

8. М ы н а л а р :

мемлекеттік органдар мен өзге де жеке және заңды тұлғалар; стандарттау жөніндегі халықаралық және өңірлік ұйымдар депозитарийдің жиынтықтау көздері болып табылады.

9. Жұмыстар жүргізу және сақтау үшін Депозитарийге техникалық-экономикалық және әлеуметтік ақпаратты жіктеу мен кодтаудың бірыңғай жүйесінің стандарттарына сәйкес әзірленген және бекітілген, нормативтік құқықтық кесімдерде белгіленген талаптарға сәйкес істерге ресімделген техникалық-экономикалық ақпараттың мемлекеттік жіктеуіштері мен оларға өзгерістер қабылданады. Жіктеуіштердің басқа санаттары шығарылған құжаттар түрінде қабылданады.

10. Депозитарийдің жеткізушілері құжаттарды көкейкесті түрде ұстау үшін техникалық-экономикалық ақпараттың мемлекеттік жіктеуіштерін, сондай-ақ оларға өзгерістер мен толықтыруларды Депозитарийге олар бекітілгеннен кейінгі екі апталық мерзімінен кешіктірмей беруді қамтамасыз етеді.

11. Депозитарийге келіп түсетін және ондағы бар барлық техникалық-экономикалық ақпараттың мемлекеттік жіктеуіштері, сондай-ақ олар туралы анықтамалық ақпарат қатаң есепке алынуға тиіс.

Техникалық-экономикалық ақпараттың мемлекеттік жіктеуіштерін есепке алу олардың сақталуын қамтамасыз ету және олардың қозғалысын, көкейкесті етілуі мен әрекет ету мерзімдерін бақылау мақсатында жүзеге асырылады.

12. Депозитарийде техникалық-экономикалық ақпараттың мемлекеттік жіктеуіштерін есепке алуға, қалыптастыруға және сақтауға жауапты тұлғалар айқындалады.

13. Депозитарийге осы Ереженің 8-тармағында көзделген ұйымдар берген техникалық-экономикалық ақпараттың мемлекеттік жіктеуіштері бақылау даналарына жатады және олар жұмыс істеу үшін берілмейді.

Техникалық-экономикалық ақпараттың мемлекеттік жіктеуіштерінің бақылау даналары мүдделі тұлғаларға берілетін құжаттардан бөлек сақталады.

Берілуге жататын техникалық-экономикалық ақпараттың мемлекеттік жіктеуіштерінің даналары "Жұмыс даналары" мәртебесіне ие болады және жұмыс істеу үшін мемлекеттік және орыс тілдерінде қағаз, ал ол болмаған жағдайда электронды жеткізушілерде беріледі.

14. Белгіленген тәртіппен Депозитарийге келіп түсетін техникалық-экономикалық ақпараттың мемлекеттік жіктеуіштеріне енгізілетін өзгерістер мен толықтырулар уәкілетті орган белгілеген тәртіппен ресімделеді.

15. Депозитарийдің техникалық-экономикалық ақпаратының мемлекеттік жіктеуіштері тәртібін уәкілетті орган белгілейтін жиынтық және жеке есепке алынуға жатады.

16. Жіктеуішті жүргізу:  
техникалық-экономикалық ақпараттың мемлекеттік жіктеуіштерінің эталондары мен бақылау даналарын құруды;  
ақпараттың дұрыстығы мен толықтығын, жаңа объектілерді жіктеу мен

кодтауды қамтамасыз ету, техникалық-экономикалық ақпараттың мемлекеттік жіктеуіштерін жетілдіру мақсатында оларға өзгерістер енгізуді көздейді.

17. Техникалық-экономикалық ақпараттың мемлекеттік жіктеуіштерінің сақталуын қамтамасыз ету үшін уәкілетті орган арнайы үй-жай бөледі.

Сақтау нормативтік құқықтық кесімдер белгіленген талаптарға сәйкес жүзеге асырылады.

18. Депозитарийдегі техникалық-экономикалық ақпараттың мемлекеттік жіктеуіштері толық мәтіндік электронды дерекқорларда қалыптастырылады.

Техникалық-экономикалық ақпараттың мемлекеттік жіктеуіштері бойынша электронды дерекқорлар мемлекеттік және орыс тілдерінде қалыптастырылады.

19. Мүдделі тараптарға қызмет көрсету уәкілетті орган белгілеген тәртіппен жүзеге асырылады.

20. Депозитарийдегі техникалық-экономикалық ақпараттың мемлекеттік жіктеуіштері туралы ақпарат мемлекеттік стандарттардың жылдық және ай сайынғы ақпараттық сілтеуіштерінде жарияланады.

#### **4. Депозитарий субъектілерінің жауапкершілігі**

21. Депозитарий субъектілері оған берілген және сақталатын техникалық-экономикалық ақпарат мемлекеттік жіктеуіштерінің көкейкестілігі үшін өзінің құзыреті шегінде Қазақстан Республикасының заңнамасына сәйкес жауапты болады.